

生日前夕出新歌 首拍纏綿戲零尷尬

「男友」出軌背叛 炎明熹崩潰爆喊

炎明熹 (Gigi) 推出新歌《還有一艘救生艙》，慶祝今日19歲生日。生日前夕出歌，Gigi 特別為這份給自己的生日禮物奉獻了多個第一次！為MV首次拍親熱鏡頭的她笑言投入演出，故不感尷尬。由於她太過入戲，演出被男友出軌背叛時流出真眼淚，更決堤式淚崩！

炎明熹於生日前夕推出全新作品《還有一艘救生艙》，除了首次參與編曲，更在MV中奉獻多個第一次！MV故事講述Gigi與男友長期分隔異地，但對方卻背她另結新歡，Gigi發現後心如刀割！導演要Gigi拿着手提電話幻想與男主角對話，此時她淚如雨下、雙唇不自覺顫抖，完美表達「痛」的感覺。她說：「拍MV前，導演同我講咗個故事，雖然我有經歷過，唔可以話感同身受，但至少拍MV時畀到我一種纏綿、開心、幸福嘅感覺，當然男主角Timothy好帶動到我入戲，我亦有諗過會喊到出嚟，平時一係喊唔到，一係就谷住咗，Feel到要喊，但又冇眼淚，所以係好幸運嘅一天。」

除了首次拍淚崩MV，也是Gigi首次與男主角如此親密。導演加入大量兩人甜蜜拍拖的畫面，最搞笑是兩人從未玩過滾軸溜冰，導演唯有讓他們脫去溜冰鞋，穿上襪子在溜冰場扮溜冰。Gigi說：「上次拍《Only For Me》MV跳華爾茲，我覺得已經同男主角好近，估唔到今次更近，算係一個新嘗試，同埋大家投入咗啲戲入面，所以唔會覺得尷尬，或者有唔舒服嘅地方。」

接受異地戀

拍攝期間，Gigi經常忍不住笑，她解釋：「我笑點比較低，忍唔住笑唔係因為尷尬，例如見到男主角出軌嘅訊息，留言話『Do You Want Me』再加埋個心心emoji，我一見到就笑咗，覺得好肉麻。同理我平時影相，啲人叫我畀心心，我係唔會做，因為畀心心我覺得有啲尷尬。」

從未試過拍拖的Gigi要演出Long D關係，她坦言最初不知什麼是Long D：「後來我問人，原來係異地戀嘅意思。我唔知自己將來會唔會接受，但暫時我覺得可以接受，因為未經歷過呢種情況，可能都係一個好處，因為日日見好快會厭，但隔一排再見就可以有新鮮感。大家不妨留言話我知，分享你哋嘅故事畀我聽。」

許瑋甯短髮變靚仔

林依晨、許瑋甯、賀軍翔及柯震東早前接受黃Viu訪問，宣傳台劇《不夠善良的我們》。林依晨和許瑋甯於劇中均以短髮造型示人，許瑋甯笑言劇集煞科後有段時間照鏡要自動「略過」髮型部分，因她喜歡長髮的自己。賀軍翔和柯震東則指許瑋甯短髮造型很靚仔，非常「帥氣」，令女方哭笑不得。許瑋甯又自爆煞科後有段時間狂做重量訓練運動：「可能是短頭髮關係，總覺得需要做重訓會比較符合，一直在找自己的定位。」柯震東即笑她可以搶男藝人的「飯碗」。



許瑋甯於新劇以短髮示人。



「可能是短頭髮關係，總覺得需要做重訓會比較符合，一直在找自己的定位。」柯震東即笑她可以搶男藝人的「飯碗」。



炎明熹不靠道具，流出真眼淚。



由於投入演出，炎明熹拍親熱戲不感尷尬。



炎明熹謙稱多得男主角帶她入戲。

盧冠廷 首次唱Live甩嘴

林志美和盧冠廷前晚為音樂會擔任表演嘉賓，壓軸表演的盧冠廷以結他自彈自唱連串經典作品，贏得掌聲雷動。怎料他唱《陪着你走》時突然甩嘴，他即自嘲：「『炒粉』呀！」台下即有人高呼：「炒得好靚！」當盧冠廷表演完畢，觀眾狂叫Encore，他即加唱《長伴千世紀》，並稱會永遠記得大家的誠意。完騷後他受訪時表示：「現場表演就係會出現呢啲情況，跌低咗就搵番搵沙，哈哈！不過今次竟然甩足一段，真係未試過。」



盧冠廷自認老貓燒鬚。

張敬軒花3年時間 讀行政管理課程



軒仔遺憾沒讀大學。

張敬軒、Rubber Band與台灣歌手A-Lin前晚擔任《春浪音樂節》香港站尾場表演嘉賓，軒仔表示休息了個多月後，現時開始做新歌，又自爆早前搬運錄音器材時弄傷腰：「相信好番之後會更有力量。」他透露在網上報讀行政管理課程，需要3年時間完成：「做歌手唔知做到幾耐嘛！做物流有問題，餐廳都得。其實我細個想做酒店禮賓部，因為我擅長應付難搞嘅人，我鍾意對人，對電腦就麻麻。」軒仔自言是居安思危的人，又指行內有很多大學生，感慨自己當年沒畀心機考上大學，是一大遺憾：「依家我報讀行政課程，係想幫歌迷會嘅日常管理同製作公司做關於行政嘅嘢，唔使假手於人。」



A-Lin(中)勁歌熱舞，炒熱氣氛。